

REGLUGERÐ FRAMKVÆMDASTJÓRNARINNAR (ESB) 2017/1941**2018/EES/14/30**

frá 24. október 2017

um breytingu á II. viðauka við reglugerð Evrópuþingsins og ráðsins (EB) nr. 66/2010 um umhverfismerki ESB (*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 66/2010 frá 25. nóvember 2009 um umhverfismerki ESB ⁽¹⁾, einkum 15. gr.,*og að teknu tilliti til eftirfarandi:*

- 1) Í reglugerð (EB) nr. 66/2010 eru veittar almennar leiðbeiningar um sniðið á kennimerki umhverfismerkis ESB. Sérstakar leiðbeiningar skulu látnar í té í aðskildu skjali, að höfðu samráði við þar til bæra aðila í aðildarríkjunum og umhverfismerkinganefnd ESB.
- 2) Ráðstafanirnar, sem kveðið er á um í þessari reglugerð, eru í samræmi við álit nefndarinnar sem komið var á fót með 16. gr. reglugerðar (EB) nr. 66/2010.

SAMÞYKKT REGLUGERÐ ÞESSA:

1. gr.

Í stað II. viðauka við reglugerð (EB) nr. 66/2010 komi textinn sem er settur fram í viðaukanum við þessa reglugerð.

*2. gr.*Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 24. október 2017.

Fyrir hönd framkvæmdastjórnarinnar,

Jean-Claude JUNCKER

forseti.

(*) Þessi ESB-gerð birtist í Stjttíð. ESB L 275, 25.10.2017, bls. 9. Hennar var getið í ákvörðun sameiginlegu EES-nefndarinnar nr. 28/2018 frá 9. febrúar 2018 um breytingu á XX. viðauka (Umhverfismál) við EES-samninginn, biður birtingar.

(1) Stjttíð. ESB L 27, 30.1.2010, bls. 1.

VIÐAUKI

„II. VIÐAUKI

Snið umhverfismerkis ESB

Umhverfismerki ESB skal sett fram á eftirfarandi hátt:

Merkimiði:



Valkvæður merkimiði með textareit (möguleiki rekstraraðila til að nota þennan textareit og textinn sem notaður er skulu vera í samræmi við það sem er tilgreint í viðmiðunum fyrir viðkomandi vöruflokk):



Skráningarnúmer umhverfismerkis ESB skal einnig koma fram á vörinni. Það skal sett fram á eftirfarandi hátt:



Þar sem „xxxx“ vísar til skráningarlands, „yyy“ vísar til vöruflokksins og „zzzzz“ vísar til númersins sem þar til bæri aðilinn gefur upp.

Framkvæmdastjórn Evrópusambandsins mun gefa frekari fyrirmæli um hönnun og notkun á kennimerki umhverfismerkis ESB, að höfðu samráði við umhverfismerkinganefnd Evrópusambandsins, í aðskildu leiðbeiningarskjali.“